



XITATIMENTE XA NHLANGANELO HI VUKORHOKERI BYA XIBALO BYA AFRIKA-DZONGA (SARS) NA HOFISI YA MULAVISISI WA SWIVILELO SWA XIBALO (OTO)

Xi humesiwile hi ti 26 Ndzati 2025

SARS na OTO va lemuka hi ku vilela xitshuriwa xa sweswinyana lexi humesiweke hi Sowetan mayelana na nhlayo leyi tlakukaka ya tiphurofatili ta eFiling ya SARS leti vikiweke ku va ti tlhakisiwile hi swigevenga swa vuxisi bya le ka inthanete, leswi fikiseke eka milahlekelo leyikulu ya swa timali eka vahakelaxibalo. Eka nkarhi wa humeso wa xitshuriwa, OTO a yi nga se humesa mpfapfarhuto wa xiviko leswaku vaaki va angula, xitshuriwa a xi ri na minkalulamo yo hlaya ya timhaka.

Mihlangano mimbirhi yi tumbuluxile hi nawu ku fikelerisa hambano loko hi le tlhelo yi sindzisa swiave swo fambelana mayela na mbuyelo woxe wa vahakelaxibalo na tisisiteme ta timali ta xibalo etikweni.

SARS a yi xiximi ntsena kambe yi anakanya xiave xa OTO tanihi mutirhisani loyi a faneleke ku tiyisisa ku tirha ka ntumbuluko wa xibalo lowunene lowu pfumalaka xisolo.

Eka xiyimo lexi, SARS yi naswona yi ya emahlweni yi tirha ku ololoxa swivilelo swihi na swihi leswi mangariweke eka OTO. Mavandla mambirhi ma tlanga xiave xa nkoka eku tirheni ka vulawuri bya xibalo. Vandla ha rin'we ri xixima xileriso xa rin'wana, loko hamambirhi ma ri maribye ma yinhla ma xindzhuti xa swa timali xa ntumbuluko wa xibalo wa Afrika-Dzonga. OTO yi ta humesa mpfapfarhuto wa xiviko hi **ti1 Nhlangua 2025**, laha sweswi mbhurusano wo enta no anama na vatlangi hinkwavo va swiave wu nga hetisiwa.

SARS na OTO va tsakela ku tiyisa vaakatiko leswaku ku sirhelela vuxokoxoko bya vahakelaxibalo no hlayisa xindzhuti xa sisiteme ya xibalo swi tshama swi ri swirhangani swa hina swa le henhla.

Timhakakulu

1. Amukelo wa Mhaka

OTO a yi ri eku lavisiseni ka tikheyisi ta nxungeto wa tiphurofayili eka nkarhi wo fikela lembe, ku landzela swivilelo swo hlaya ku suka eka vahakelaxibalo na vativi va swa xibalo.

2. Nkulo wa Vugevenga bya le ka Inthanete

Nhlangano wu vonile leswaku eka mbangu wa namuntlha lowu hlangananeke wa xidijitali, mixungeto ya vuhlayiseki yi tlakukile swinene, leyi kombisaka mixungeto eka vanhu, mabindzu na mavandla. Tanihileswi tithiransakixini ta munhu yena n'wini na ta swa timali ti rhurhelaka eka inthanete hi ndlela yo engeteleleka, vatlangi vo hamboloka va tirhisa hi ndlela yo biha matirhelo ma minkasirhelelo, maendlelo ma avelano wa switiviwa, na mukhuva wa vatirhisi ku hlohotela vukhamba bya vutitivisi, vuxisi, na mfikelelo wa sisiteme lowu nga

pfumeleriwangiki. Kun'we na migingiriko ya endlelo ra ntolovelolo, yo fana no fikelela tipulatifomo ta xibalo kumbe ku engetela leswintshwa eka vuxokoxoko bya le bangi, swi vi le tindlela to koteka to xolola. Eka vulawuri bya xibalo xa le Afrika-Dzonga, mixungeto leyi a yi laveki naswitsongo. SARS, tanihi n'wini wa nhlengeleto wa xibalo na hakelo ya mivuyiselo, i pakanikulu wa lava nga na xikongomelo xa biha.

3. **Ntirhisano Exikarhi ka SARS na OTO**

SARS na OTO swi hlayisa vuxaka byo tiya na ntirhisano. Mavandla ha mambirhi ma longoloxiwile na xikongomelo xa wona ku sirhelela vahakelaxibalo no vuyisela vutitshembi eka sisiteme ya eFiling.

4. **Tindlela ta Vuhlayiseki na Matshalatshala lama yaka Emahlweni**

SARS yi ya emahlweni yi ndlandlamuxa matirhelo ma vuhlayiseki ku hunguta mixungeto no sivela mfikelelo lowu nga pfumeleriwangiki. Hi hlohlotela vahakelaxibalo ku tirhisa vurhonwana hi ku sirhelela vuxokoxoko bya vona byo nghena no mangala nghingiriko wo ehleketelerisa.

5. **Xiviko xa Ndzavisiso na Mbhurisano wa Vaakatiko**

Humeso wa mpfapfarhuto wa xiviko xa OTO wu hlwerisiwile ku pfumelela SARS ku nyika vonelo ro koxometa mayelana na swikumiwa swo sungula, ku tiyisisa nxopaxopo wo angarhela no ringanisiwa. Hi le tlhelo mitsundzuxo yi ndlandlamuxiwile exikarhi ka mavandla, swiphemu swa mpfapfarhuto swi nga ha khoma tindhawu ta hambano, leswi nga languteriwaka eka nxopaxopo wa ntumbuluko lowu. Endlelo leri ra ntirhisano ri kongomisile eka ku tiyisa swiringanyeto swa xiviko no hlayisa miantswiso yo twala. OTO yi ta humesa mpfapfarhuto wa xiviko hi **ti1 Nhlangua 2025**.

6. Ku Tiyisisa hi Vuntshwa Vutinyiketeri eka Vahakelaxibalo

SARS na OTO hamambirhi ma tiyisisa vutinyiketeri bya wona eku pfumeleleni ka vahakelaxibalo ku landzelela swiboho swa wona hi ndlela yo hlayiseka na vutitshembi. Hi hlohlotella vahakelaxibalo ku tshama va tivonela no mangala mikatshamiseko yihi na yihi hi ku tirhisa tichanele ta ximfumo ta SARS.

Khomixinara u vurile leswaku "Hi xixima leswaku xiviko xo hetelela xa OTO xi ta endliwa xa vaakatiko ku nga ri khale, naswona SARS yi tshama yi tinyiketerile ku ya emahlweni na mimbhurisano na mani na mani mayelana na mhaka leyi. Vaakatiko va fanele va tiyisiseka kwalaho, leswaku SARS yi ya emahlweni yi tirha hi ku tinyiketela ku tiyisisa nghenelelo wa xiyimo xa le henhla na nsirhelelo wa vahakelaxibalo lava tirhisaka pulatifomo ya xidijitali ya SARS".

Mulavisisi wa Swivilelo swa Xibalo u vurile leswaku: "OTO yi tekela enhlokweni ku tlhakisiwa ka tiphurofayili ta eFiling ta vahakelaxibalo swinene. Tanihi vandla leri tiyimeleke, OTO yi tiyisisa mbalango wa xikongomelo na nkhomonene wa vahakelaxibalo. Mpfapfarhuto wa xiviko xa OTO wu kombisa mbhurisano lowukulu na vakhumbeki hinkwavo naswona wu kongomisiwile eka ku fambisa swintshuxo swa swo twala no khomeka."

Xi humesiwile hi nhlanganelo:

Vukorhokeri bya Xibalo bya Afrika-Dzonga (SARS) na Hofisi ya Mulavisisi wa Swivilelo swa Xibalo (OTO)

Mayelana na vuxokoxoko hi xitalo u komberiwa ku tihlanganisa na

SARSMedia@sars.gov.za na/kumbe media@taxombud.gov.za.